

 MINISTÈRE DE LA JUSTICE	1 DEKLARÀCIA VASH O HAKAIJA Dini jekhe manuśesqe k-o phandlipe pučhlăripnasqo (Generàlo Formulări)
--	--

O informàcie po tele si te oven phendine tuqe ande jekh čhib kaj halöves.

Šaj te inkeres akava dokumènti sa o vaxt kana inkëren tut pučhlăripnasqe

San zanavd/o/i kaj čhite tut k-o inkerimos phandlo pučhlăripnasqe odolesqe ekzistuin jekh ja maj but aša pala save šaj te patăl pes kaj kerdăn ja zumavdăn te keres jekh infraksiòni pala savesœe i thami phenel so o manuś kaj kerda les šaj te 3al phandado.

Si tut hakaj/pràvo/drèpto te zanes i kualifikàcia, i dàta aj o than kaj patăl pes so kerdăn i infràcia savăqe akuzonen tut thaj o aša sosqe čhivde tut k-o phandlipe pučhlăripnasqo.
Ka pučhen tut pal akala ondimàta/fàkte k-o vaxt so inkeren tut k-o pučhlăripe, 3i k-o biś thaj štar çasură.

Pal akava vakti, o Prokuròri e Republikaqo (ja o krisărno e investigaciaqo) šaj te lungărel o inkërimos phandlo k-o pučhimos pànda biś thaj štar çasură, kana o phandlimos so šaj te les e butăqe so astarde tut, pal-o zakòno si jekh berś ja po but Normal, ka legaren tut anglal akava krisărno savo ka pučhel tut, šaj vi kameraça p-o internet.

Pal o inkeripe phandlo k-o pučhimos, o Prokuròri e Republikaqo (ja o krisărno e investigaciaqo) lel decizia ja te legaren tut k-o sùdo, ja te mukhen tut. And-o angluno suro, ovèla tuqe kris maksimum 20 çasură pala so agordel o inkeripe pučhlăripnasqe.

3anaven tut vi kaj si tut hakaj/drèpto/pràvo te:

3anaves varesave manuśen kaj astarde tut

Šaj te mangel varekon te akharel jekhe manuśes saveça beşes te phenel lesqe kaj san inkerdo k-o pučhlărimos, ja te dades ja te daja, ja jekh te phralenœar ja te phenënœar, ja tire brakhne čhutino kotar o sùdo, savo lel sàma tuœar.

Šaj te phenes kaj inkeren tut e šingale vi e manuśesqe kasœe keres buti.

Te san avrutn/o/i, šaj te 3anaves e avtoritète k-i konsulàta e Themesqi kotar san.

O Prokuròri e Republikaqo (ja o krisărno e investigaciaqo) šaj te phenel na kana manges akala bută, kana dikhel kaj si maj mišto kadijal vaś i ankèta.

Normal, akala bută si te oven kerde andre k-o trin çasură kotar o momènti so manglan len, nùmaj kana naştil pes, šaj vi maj palal.

Te dikhel tut jekh doktòri

Šaj te manges te dikhlărel tut jekh doktòri Te lungărde to inkeripe k-o pučhlăripnasqo phandlipe, šaj te manges palpalem te 3as k-o doktòri.

Te keres deklaràcie, te des anglal o pučhimàta ja te na des dùmà, te na vakeres khanć

Pala so phendan kon san, katar san, kana thaj kaj biandilan, k-o pučhlărimàta, si tut hakaj/pràvo/drèpto:

- Te keres deklaràcie,
- Te des anglal o pučhimàta so pučhen tut,
- Ja te na vakeres khanć.

Te ovel tut avokàti

Alosaripe e avokatesqo

Kotar o šird, sar phandaven tut, aj vi kotar o šird e lungãripnasqo, kana lungãren to inkerimos k-o puçhlãripe, šaj te manges te ažutinel tut jekh avokàti so tu alosares les Kana na pinzares avokates ja kana o avokàti so alosardan našti te lel pes kontàkti leça, šaj te manges jekh avokàti kotar o them, bi lovenqo.

Jekh kotar o manuša kasqe phendan kaj inkeren tut phandlo k-o puçhimos šaj te čhivel tuqe avokàto: atùnçi tu trebun te phenes kaj okova si čačas to avokàti.

Ažutipe e avokatesqo aj vaxt kana ov avel

O avokàti šaj:

- te del duma tuça 30 minùte bi te šunel tumen khonik aver,
- thaj te manglan, vi te bešel tuça kana puçhen tut aj kana čhiven tut averença te mothoven so sas.

Atùnçi, ande akava suro, and-o 1^{to} puçhlãripe, khrigal kana puçhen tut sadaj pala ti identitèta, našti te širdel bi te ovel o avokàti paše tuše anglal so te nakhen duj çasurã kotar o momènti kana phende lesqe kaj tu manglan les te avel No, o 1^{to} puçhlãrimos šaj širdel imediat, vi bi avokatesqo, kana o prokuròri e Republikaqo (ja o krisãrno e investigaciaqo) mukhel len te keren kadia, te trubuja e anketaqe.

Kana o avokàti aresel kana tu san e šingalença save puçhlãren tut, šaj te manges te ačhaven o puçhlãripen aj te dikhes tut e avokateça te des duma leça.

Kana musaj thaj ekcepçional, o prokuròri e Republikaqo (ja o krisãrno e investigaciaqo) thaj o krisãrno e mukhlimasqo aj e phandlimasqo šaj te ispidel i prezènca e avokatesqi k-o puçhlãrimos ži k-o 12 çasurã, aj pãnda jekh drom 12 aver çasurã, kana pal-o zakòno, odolesqe so kerdãn šaj te keres minimum panž berš phandlimos.

Ažutipe kotar jekh rinçhibãrno/tromàci

Te na vakerdãn ja te na halòvdan francikanes, si tut hakaj/drèpto/prãvo te ažutinel tut bi lovenqo jekh rinçhibãrno/tromàci k-o puçhlãrimãta thaj kana des duma te avokateça.

Hakaj/drèpto/prãvo te manges te ačhavdøl o inkëripe k-o puçhlãripe

Šaj te manges kotar o prokuròri e Republikaqo ja kotar o krisãrno e investigaciaqo, te na maj lungãrel o inkeripe k-o phandlimos puçhlãrimasqo, k-o momènti kana ov lel i decizia pal akava.

Akcësi/dromandre k-o varesave lila tire dosaresθar

Tu ja to avokàti, anglal so te ovel jekh lungãripe e puçhlãripnasqe inkëripnasqo, šaj te mangel te dikhen:

- o proces-verbãli e informaciaqo kaj čhite tut k-o inkëripe puçhlãripnasqo;
- o certifikàto ja o certifikàte pal o sastipe so kerda o doktòri kana dikhla tut.
- o proces-verbãli ja o proces-verbãlã e puçhlãrimatenqe.

Te phenen tuqe so ovèla e proceduraça

Kana pal-o inkeripe k-o puçhlãrimos mukhen tut bi te ovel nijekh decizia kotar o prokuròri e Republikaqo, šaj te puçhes les, 6 çhon pala so mukhle tut, so si les godi te kerel akale butãça ande savi phandle sas tut puçhlãripnasqe.